

瀘谿縣志卷七

宦業

明陳王廷字葑石浙江上虞人嘉靖辛酉舉人初令萬載有聲時建昌始建瀘谿縣綱紀未定四民翹首待治萬厯八年當道以王廷才調知縣事王廷籌畫緩急以次舉之立城郭建廨署別市廛通商賈興創學校以課厲士子政令嚴肅規模大備明年奉詔籍田以均征賦瀘僻處萬山中山田高下不一胥吏易於舞法王廷躬親隴畝因其高下卽其曲直以爲伸縮凡三閱月而竣貧富悉均爲百世之利初縣之始城也值秋漲濤怒城不沒者三尺王廷憂之曰是重困吾民也非設堤以防民其魚乎於是竭力興築

瀘谿縣志

卷七

宦業

不自憚勞民呼之曰陳公堤三年陞邳州知州行李蕭然民至今思之見舊志

陳大用字全宇浙江臨海舉人萬厯十二年知縣事持己廉視事勤章教剔弊士愛民懷後陞任常州通判去之日無囊橐清介之風至今如見

林萬梅字懷東浙江瑞安舉人萬厯二十年知縣事朝夕勤劬以愛民爲念事無鉅細躬理之淮南二兌號爲厲階萬梅爲清冒免酌緩急積困大蘇核匿贓三百餘家而丁糧均捐俸金創立義倉而凶荒備學校祠宇舊多未備者皆力圖新之課士以古人行誼不爲案牘少輟上下相安熙然也調玉山去民攀留之不能得見林繼和生祠記

薛克炫字涵宇廣東博羅人萬厯二十四年知縣事清操自厲一介不取豪右以勢虐鄉里者懲弗貸聞盜越境竊發跡之急則遁去稍緩則復至民惶懼不安克炫設法禽其魁盜遂息尋以忤當道罷職方解組時猶以蠲免帑金給還百姓故老言廉吏者必首克炫云見舊志

馮日望字見中又字未齋浙江慈谿舉人萬厯二十九年知縣事縣苦多盜奸民匿之往往不可捕日望仿行趙廣漢鈔簿法教民跡盜所在投詞其中久之得奸民並盜首誅之下令行保甲法俾民自相稽察盜無敢有容者益藩糧稅與民共圖民大苦乃特請藩邸別立一圖其內校歲假王錫額索富民錢力爲禁止初太祖制六諭爲鄉約法

澶谿縣志

卷七

宦業

二

有司久不舉日望進編氓親爲講勸麥稚歡然由是樸陋之俗變爲禮讓鄰落婦女亦知以節烈相尚實循吏也見去思碑

梁應掄字詡韋廣東順德舉人萬厯三十七年知縣事興利除弊恆曰非體認絜矩二字不能作民父母一時政簡刑清調新城令事至立剖無不懾服陞廣西象州知州立有去思碑

潘元勳字載嶽四川大足舉人萬厯四十四年知縣事振興文教關心民瘼於鹽法漕運尤斟酌盡善先是廩糧不敷督學曠澶才蔚起有優拔而鮮廩餼元勳精覈匿糧若干以充其額陞浙江湖州府同知至今稱令之賢者梁潘

相並云

黃錫袞字石菴福建晉江進士崇正十三年爲建昌府推官以清介稱平反訟獄曲當其情民以不寃監太平橋稅正供外一無所取商遊者便之性耽書退食吟誦不輟壬午爲江西考官有得人之譽尋攝瀘谿篆漕糧積弊悉革去旋擢御史南城瀘谿俱建祠祀之見舊志

國朝李卽龍字爲癡直隸雄縣進士順治七年知縣事明敏果毅勤恤民隱竭力陳請蠲荒減役鴻雁始集榛莽漸開至克靖萑符地方安堵尤其偉績也見舊志

張萃祥字聖符河南羅山貢生康熙二年知縣事時大吏下令索里中豪主名萃祥曰瀘小邑安有此卒不應南城

瀘谿縣志

卷七

宦業

三

鄧良美之以詩見南音集後竟以忤大吏罷去

區之鼎廣東番禺舉人康熙十五年知縣事時耿逆初平百姓凋殘田多荒廢不能自贍鼎爲請蠲舊賦民乃安業戊午己未廣信劇賊江機楊一豹連年犯邑鼎竭力守禦城賴以全後以忤當路致仕卒於會城見舊志

張翼文江南吳縣舉人康熙十九年知縣事行政寬猛相濟憫瀘漕徵收之艱思改輓運爲輕齊詳請蒙允至報政之期疾忽作慨然有去志前議遂廢出署行李蕭然士民奉觴泣餞翼文亦潛然而別

衛執躬陝西韓城舉人康熙二十二年知縣事執躬陝之世家也恪恭厥職刑清政簡正供外不取一錢以善化人

民庶化之

袁鉅字浩臣江南徐州劍貢康熙二十五年知縣事性慷慨勇於有爲詳草里排戶長無總領之弊里甲免科派之苦民皆感悅

王弼字子俊浙江仁和劍貢康熙四十五年知縣事禮賢下士鼓厲文風待民慈而去弊甚力黥墨巨盜四境安然瀘邑苦水淺歲漕困於輓輸弼請徵銀罷運格不行乾隆初其子文璿官御史以弼遺命請於朝卒改折去瀘二十餘年猶厯念民艱邑銘其惠曰維水之仄不如侯德維山之叢不如侯功侯有遺憾侯子代終於萬斯年不遐有窮見舊志

瀘谿縣志

卷七 官業

四

沈元鍊字補天江南溧陽進士康熙六十年知縣事寬以御眾嚴以懲奸聽訟折獄人咸服其神明捐俸鼎新來鶴亭遂成名勝解組遊林下者數十年

汪雲鵬字扶九四川成都舉人雍正二年知縣事方正練達獄無大小立判不直輕生之訟民命多賴以全捐俸四十金清復府城兩公館並詳請廣瀘學額沮於吏議未果踰二載調任豐城士民懷之

羅世清山東霑化舉人雍正三年由豐城改是任宅心忠厚政簡刑清歲饑請貸粟貧民還倉踰期致累免

李如瑤字瓊仙直隸霸州舉人雍正五年知縣事清介勤敏常奉檄覈嘉禾以除夕始抵盱江忍饑坐待竟夕無倦

容舊例公出保正供應夫馬力爲革除瀘人戴焉

閻廷佶山東昌樂進士雍正十年知縣事小心勤慎撫瀘四載清操愈厲收漕時搜剔諸弊請併隨南入地丁徵收官民兩便創立 崇聖祠拓學署調任金谿更給修城隍廟貲風徽至今可溯云

林雲嵐福建同安舉人乾隆七年知縣事豈弟慈祥歲癸亥城內疫作施藥療治邑饑申請減糶又勸紳士糴隣境接濟民賴以全活

趙淵陝西朝邑舉人乾隆九年知縣事敬禮師儒每行阡陌必壺漿以隨勸民劭農邑人賦詩紀其事准廩餼抵地丁自墊耗羨士爲立愛士碑倡修王家嶺公館增新右基

堂屋繚垣周密後調任南城

徐振修四川崇慶州舉人乾隆十一年知縣事廉明謹飭剛方不阿初任南新二縣綽有循聲調瀘值修接龍橋設法贊成之性至儉其服食有爲寒士所不堪者既疾卒三邑弔奠駢集於庭

孔興浙浙江錢塘副貢乾隆十四年以教習試用署瀘篆民病施藥濟之試士審慎務獲雋才奉制軍檄察報邑中淑慝興浙以瀘小邑無積愍實心咨核上其事制軍嘉悅邑水潦爲患躬詣勘驗詳請發賑民無失業

朱崧奉天寧海進士乾隆十四年知縣事政簡刑清恤民禮士十五年奉憲檄修縣志事竣士民請臚政績悉

之十八年調萬載

顧惠懋字任衡江蘇元和進士乾隆十九年知縣事夙負  
文名尊賢重士甫下車卽繕葺養正書院延邑進士傅彤  
主講席時勤考課縣試務覈真才勸農功折疑獄案無留  
牘野無游民桑麻雜大晏如也後陞吏部主事典試山東  
咸稱得士

謝世應湖北耒陽舉人乾隆二十二年知縣事清而克勤  
嚴而有體明而善斷紳士無敢有私謁書吏無敢以言進  
縣試弊絕風清卷親閱拔取單寒時以培植人材爲心初  
建盱江書院嚴考課生童肄業其間者歲百餘人膏火不  
敷捐廉俸助之歷兩任士愛民懷邑人祀於名宦祠

瀘谿縣志

卷七 宦業

六

高尚禮山西陽曲舉人乾隆二十八年知縣事倜儻不羣  
寬嚴合度政無大小悉以勤敏行之崇尚儒術殷殷造士  
以先賢李泰伯勛後進改養正書院爲盱江書院延名師  
啟迪勤考課益膏火士林誦之

賈文召字櫻峯甘肅伏羌舉人乾隆五十四年知縣事以  
恤民爲急以鋤暴爲先以愛士爲懷以敦行爲要公暇常  
樂與知名之士談論唱和而劣衿惡棍處治殆盡胥吏警  
氣盜賊潛蹤境內肅然聽斷尤爲明決案無留牘臬民不  
能售其伎也三載調南城頌德政者不絕謝令而後斯爲  
僅見

甯紹俞山西文水舉人嘉慶四年署縣篆衣冠正瞻視尊

遇事能斷不假胥吏以辭色考試精核稱得人在瀘一年門無私謁去之日清風兩裊而已

吳喬年字松岑順天大興籍江蘇元和人由典史以軍功升知縣道光元年補是缺性慈祥而守甚介尤樂禮文士聽訟不尙苛察民自心服雖被責者無怨言隣縣疑獄大吏多委讞之汝口砦河路自進士傳彤議開鑿會難作未竟其功喬年集紳士議開之以奉檄修志而罷歿時無以斂士民賻贈始得扶襯以歸民流涕送之

張澍字介侯甘肅威武人以詞苑改官道光八年題補江西瀘令素以才雄學博名重京師性情亢厲風節自高居官尤尙節概富豪震讐奸民惡胥皆股慄不敢爲非訊決

訟獄煥若神明顧持身廉潔實心愛民苟有關利病者無不爲也尤雅意興育人材修整鶴城書院勤課程厚膏火訓督若嚴師蒸蒸然文氣丕變前志皆出其手裁平居著作浩博漢魏之遺也

黃來晨字鑄海山東滕縣人由進士筮仕江右素以經濟著名咸豐九年任瀘令甫下車飲士紳酒詢民利病取不便於民者亟去之民氣頓蘇性亢直廉平率下人不敢干以私約束家人吏胥尤嚴精勤吏事無留獄催科不懈不苛或胥役拘欠課者至詢其果貧窘限釋之其人感泣而如朔課集暇則召諸生於書院課文藝口講指畫士風遂以日進若接龍橋文武廟皆修建將成而兵燹毀卒以寇

故註功令罷官瀘民至今思之

巴光諾字種芝江蘇六合人由舉人謁選瀘令甫下車詢問山川風俗人物與時事利病靡不周知與士民接貌和而意厚吏胥不假以顏色平反訟獄務矢公清暇則喜與女士談藝酬唱風雅恂恂儒素漢詔嘉循良吏祇日不擾庶幾近之

縣丞

王先正湖廣黃安歲貢康熙五年任介以持己仁以及物輓輸之暇勤求民隱闔邑蒙澤而安

孟吉熊字礪貞江南霍丘拔貢以州同改授康熙五年任時初設丞無公廨歷任皆借寓以居吉熊始集紳耆建署

瀘溪縣志

卷七

官業

八

縣左未幾署新昌旋攝瀘縣篆除漕弊行滾法建

啟聖祠寅賓館尤爲盡力云

張士堯直隸通州監生康熙二十年任數閱月休聲遠播承前漕米改折之議佐縣覈覆殫心民瘼陞山東高苑知

縣

顧葵浙江錢塘劍貢雍正二年任才優學裕佐令政有廉幹聲課最陞廣東三水知縣歷知州

張廷瑚安慶桐城監生雍正八年任家世貴顯循分供職無貴介驕凌氣越五載以艱歸士民稱之

朱象賢江蘇長洲監生初游雲貴張制軍幕重其才特薦奉命往江西以縣丞用撫院唐題補瀘谿縣丞乾隆十



三年到任後改玉山縣丞象賢稟性清簡終日欽欽公餘  
惟以讀書爲樂力勸書胥行好事存好心毋在公門作惡  
自奉甚儉五六日一御肉平情市易價與民同日吾卽瀘  
邑編氓耳人世炎涼之態蔑如也所學淵淹書法道勁邑  
子弟投贖請業而脫屣去矣

龐光鑑浙江會稽人難廕授貳職怡然自樂公暇臨墨池  
學草楷有崔藍田逸致

張問第四川遂寧監生乾隆四十八年任留心政治不以  
閒曹偷安事有關民生利害者力爲贊襄瀘風有強丐索  
鄉民錢米欲未饜輒自取瓦石敗其面誣其人鄉無賴又  
懲息之間第得其情大爲整飭並懸示申儆弊頓除有流

民聚男婦數十叢至攘奪問第急繫其壯健者重懲之立  
逐出境是皆足以匡長官所不逮

李樹穀直隸臨榆拔貢舉於鄉嘉慶丙辰以拔貢選瀘谿  
縣丞風致灑落詞訟概不濫理故庭可羅雀爲文力追先  
正喜獎厲後學每課差門役送題催卷親爲點竄數年如  
一日邑人士受其教者甚夥後截選知縣檄至卒於署宦  
囊蕭索不能旋里葬於西門外程家山監碑載李公墓過  
者流涕擬之峴山碑云

吳向仁湖北黃安監生嘉慶十八年署任性耿介不避嫌  
不附勢以重名義維風氣爲務有縣隸辱士訐諸令置不  
理向仁聞颯然起曰是豈復有士氣哉遣幹僕索隸於縣

痛懲之士民悅服

蔡福田字心泉江蘇人咸豐五年補糧廳爲人性情曠放不屑拘守繩檢亦未嘗營情苞苴遭時變亂慨然思樹功名植忠節知公者咸訝之粵匪踞瀘福田避貴邑招團數百人六年率團勇逐僞監軍朱某於嵩市頗以防撫失宜奸民通賊襲之功不就嗣又招勇闖界上輕身擊賊於城東門外遂被殺一時在軍中者稱其膽勇能持刀奮前門賊云

典史

國朝劉承宜山陰吏員順治十二年任時山寇初平邑民逃散存者多凋瘵不自活承宜加意撫恤民稍稍歸業邑令

瀘谿縣志

卷七

宦業

十

李國維遠卒縣事賴以辦理明年有閩師之役下令徵派民夫瀘人惶恐無措承宜請免不許遂慟哭曰瀘邑自遭寇旣居室寥寥可以指數今復徵之不盡死溝壑不止也請先民死以明不欺役卒罷民懷其德至今弗諼

陸聖祥河南濟源吏員雍正十二年任英風軒爽雅意愛人卒於署無以爲殮眷屬依壻爲活邑人爲之惋惜

賀國祥順天宛平人捐未入流乾隆七年任早從賓幕練習政事兼工行楷書在任時寬以柔民嚴以稽盜禁繫有疾餒者不吝祿入以贍之

教諭

明黃鑑字文叔上高舉人萬曆十四年任性恬淡好經術手

不釋卷與諸生論學爾身溢恭暇則賦詩自娛積爲娛閒  
集婉麗動人爲士林所重遷河南夏邑今年九十卒  
陳階浙江青田歲貢萬厯二十一年任積學力行遇士多  
所開導所著有道教源流錄古今政本錄陞贛州府教授  
鄒光字臨川歲貢嚴氣正性言坊行表可爲多士楷模至  
其修治俎豆崇飭

聖廟門廡真無曠厥官者

國朝時啟通彭澤舉人康熙二十二年任丰神爽豁議論崇  
宏雅以文章自喜詩歌詞賦倚馬可待師生聯吟計月成  
帙

徐徽高安舉人康熙三十一年任弱冠有文名振興士習

瀘谿縣志

卷七

宦業

十一

與諸生諳諳訓課者皆夔倫行習之大端邑中老宿俊秀  
率相過從陞贛州府學教授

費文烈鉛山選貢雍正三年任天懷古茂動止莊嚴舉祀  
典以重

先師飭學校而端士習於世俗趨尙無少染焉

黃光熊字含齋德化副貢雍正四年任湛深經術旁通詩  
賦督課諸生以遠大相期常攝篆府庠五邑人士咸欽其  
道範

楊鳳然新淦人甲辰進士雍正十年以青浦宰改調儉約  
自持正身律物一室中左右圖書口吟手披不少輟督建  
聖廟明倫堂厥績尤著

歐陽飛字丹山崇仁舉人乾隆十年任學問淹博發爲詩文灑然具出塵之致清復學田毅然以身任才識明敏上官雅器重之

譚旭新建副貢乾隆十三年任湛深理學闡明聖道著有謀道錄學者奉爲著蔡

王在典新淦拔貢乾隆二十二年任溫厚醇謹若不勝衣而學行兼優督課諸生十年不怠卒於署生徒多哀泣晏成玉臨川舉人乾隆三十九年署任性樸訥不事矯飾與邑人士往來談文論道久而不厭及去沐其教者咸佩服之

楊芳字仲篋金谿副貢乾隆四十二年任以身訓士尤以

瀘谿縣志

卷七

官業

十一

敦倫紀尚廉恥爲要非公事同寅紳士罕見其面有見枉者告於令直之其人來謝卒不見

文廟傲芳大集紳士勸修邑人重其言皆應命值積雨乏薪或束修廟木柿遺芳芳拒不受其介如此

郭廷賡字韻堂峽江舉人嘉慶二十年任襟懷灑落與諸生談以篤學敦行臺壘相規有不率責以讜論始入學者束修不計多寡并不較有無士有貧而好學者嘗貲助之在任四年以親老乞終養歸

甘定見字夢灘南昌奉新舉人任瀘教諭學問賅洽尤精於制藝方珪圓璧士子多執業樂爲造就吏事無不敏練遇事駭麟負氣節語人曰吾視諸生卽親子弟不使爲非

若故折挫士氣以奉他人權吾不爲也性喜種菊賦詩歸  
里後老益強健云

訓導

明范汝仁字清軒德化歲貢萬厯八年任性醇謹有長者風  
縣初設生徒寥寥數人邑令選童子師事之却脩脯嚴訓  
課文風漸振

周應文上饒歲貢萬厯三十四年任清操自厲日對圖書  
訓士不輟卒於署幾無以殮士咸哀之

會天復字見仲吉水人初爲鄒忠介高弟繼遊徐魯原之  
門聆其主敬主靜之學躬行不諉五中副榜年七十入京  
師崇正元年選瀘谿訓導與諸生談論課莚無虛日黜浮  
華崇氣節士風丕振故事督學臨郡必上諸生優劣天復  
以無劣爲言使者叱之終不應曰瀘邑百餘士兢兢守已  
豈可徇勢枉人生平乎遂挂冠去時人賢之

國朝嚴廷訓字二聞信豐歲貢康熙五年任性敏學博尤長  
於詩古文詞諸生與遊者俱有所成就

胡來亨鉛山歲貢康熙五十年任清和潤澤藹然有道之  
容見士不談鄙事一以敦本敬慎爲訓士多宗之

徐陟高安廩貢康熙五十年任質直純樸古貌古心諸生  
接見惟以文行相勸去之日猶遺資修治學宮

黃閣定南歲貢乾隆四年任幼聰慧有名於時古文制莚  
允稱宗匠與諸生剖析理義動遵繩尺其一種至性流露

當於古人中求之

敖瀾新喻歲貢乾隆二十七年任清潔自厲服食儉樸如寒素言語謹訥不談人過與諸生接見時教以敦本力行聞者欽服

董嶽鍾字巨山臨川舉人乾隆三十三年任自幼嗜學工文詞書法溫雅有度課諸生不專事舉子業遇英敏有才者尤加意獎拔歷任十餘年以內艱歸

顧連字晴嵐建昌縣舉人嘉慶十三年任渾厚和平未嘗有疾言厲色訓多士以學文修行婉而導之多相悅以解平時以經籍自娛一官雖冷嘗有自得之趣

黃爵滋字樹齋撫州宜黃人初以拔貢司訓瀘邑與峽江

郭韻堂東西齋並著師範雅意培植人材操知人鑒如魏崇基弱冠試童軍決其文必元盧諤年少諸生高其詩文唱和談論與崇基招授館餐其他稍有才藝獎借不倦是時兩廣文提唱風雅士子如披雲霧見青天及入詞垣名位顯赫於一時猶以瀘士爲惓惓云

余俊千太和歲貢咸豐八年司訓於瀘時兩齋寇燬因居鶴城書院偕子僕三人日啖藜粥自甘與多士接貌和而語質恂恂儒素居官甫六月寇復大至黃前令如郡乞師俊千與民依山據險以待援者賊力攻破之遂死焉黃前令以殉難上聞蒙 恩予旌蔭今其子已登賢書矣

防汎

國朝羅啟龍湖廣人整戎伍而絕喧譁整扞擷而嚴擊柝  
袁孟德河南人訓練戎伍嚴行偵巡盜風寢息而民賴之  
王永約束嚴明日事校閱持己恂恂有體

趙維秀籍貫闕雄才壯氣足樹于城之望而性喜文人時  
以筆墨相尚

嚴天仕籍貫闕質性謙沖與物無忤約束兵卒一境帖然